



REPUBLIKA E SHQIPËRISË
KËSHILLI I LARTË I PROKURORISË

Nr. 253/3 Prot.

Tiranë, më 05.01.2026

VENDIM

Nr. 21, datë 29.01.2026

**“PËR KONFIRMIMIN E INSPEKTORIT LINDITA ZIGURI, SI I KOMANDUAR NË
ZYRËN E INSPEKTORIT TË LARTË TË DREJTËSISË”**

Këshilli i Lartë i Prokurorisë, me pjesëmarrjen e:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar
5. Arta MANDRO	Anëtar (në mungesë)
6. Ledina RIZA	Anëtar
7. Moisi DUDA	Anëtar
8. Vatë STAKA	Anëtar (në mungesë)
9. Olger EMINAJ	Anëtar
10. Erind MERKURI	Anëtar (në mungesë)
11. Erion FEJZULLA	Anëtar

Në mbledhjen plenare të datës 29.01.2026, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

**“Për konfirmimin e Inspektorit Lindita Ziguri, si i Komanduar në zyrën e Inspektorit të
Lartë të Drejtësisë”**

KËSHILLI I LARTË I PROKURORISË:

Pasi mori në shqyrtim Relacionin shoqërues nr. 253 prot., datë 22.01.2026, të Komisionit të Zhvillimit të Karrierës, dëgjoi relatorin z. Sokol Stojani, si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli i Lartë i Prokurorisë (*më tej, Këshilli*), si një ndër organet qeverisës të sistemit të drejtësisë garanton statusin e magjistratëve prokurorë, ku një aspekt të rëndësishëm zë karriera e tyre.
2. Me Shkresën nr. 2978 prot., datë 23.10.2025, të Inspektorit të Lartë të Drejtësisë (regjistruar me nr. 2602 prot., datë 23.10.2025), drejtuar Këshillit, Inspektori i Lartë i Drejtësisë (*në vijim, Inspektori*) ka informuar se, inspektorëve magjistratë, respektivisht, prokurorëve Daniela Sulaj, Elena Pelushi, Lindita Ziguri dhe Julian Zonja, të komanduar pranë zyrës së Inspektorit u përfundon mandati i komandimit në datë 7.2.2026. Për rrjedhojë, Inspektori ka kërkuar nga Këshilli, konfirmimin e inspektorëve Daniela Sulaj, Elena Pelushi, Lindita Ziguri dhe Julian Zonja, si të komanduar pranë këtij institucioni edhe për një mandat tjetër 5-vjeçar.
3. Kjo kërkesë bazohet në rezultatet e punës së kryer nga ana e inspektorëve, profesionalizmit dhe integritetit si dhe nevojën për fuqizimin e mëtejshëm të veprimtarisë së këtij institucioni.
4. Kërkesa shoqërohet edhe nga dokumentet shoqëruese si vijon:
5. Vendim nr. 24/1, datë 31.07.2025, “Për vlerësimin etik dhe profesional të inspektorit magjistrat të zyrës së Inspektorit të Lartë të Drejtësisë znj. Lindita Ziguri për periudhën 08.02.2021-07.02.2025”, dhe Lidhja nr. 4, i Komisionit të Emërimit dhe Vlerësimit pranë zyrës së Inspektorit, sipas të cilit Inspektori Lindita Ziguri është vlerësuar “Shkëlqyeshëm”;
6. Dhënie e pëlqimit për rekomandimin si inspektor në zyrën e Inspektorit të Lartë të Drejtësisë nr. 2952, datë 21.10.2025, e Inspektorit Lindita Ziguri;
7. Lidhur me sa më sipër, rezulton se:
 - i. Me Vendimin nr. 21, datë 27.01.2021 “Për komandimin e magjistratit”, Këshilli ka vendosur komandimin e magjistratit Lindita Ziguri në pozicionin e Inspektorit pranë zyrës së Inspektorit të Lartë të Drejtësisë;
 - ii. Periudha e komandimit do të jetë 5 (pesë) vjet dhe fillon nga data 08.02.2026.
8. Kërkesa e Inspektorit për konfirmimin e inspektorëve Daniela Sulaj, Elena Pelushi, Lindita Ziguri dhe Julian Zonja si të komanduar pranë këtij institucioni edhe për një mandat tjetër 5-vjeçar bazohet në nenin 55, pikat 4 dhe 5, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar.

9. Për shqyrtimin kësaj kërkesë në Komisionin e Zhvillimit të Karrierës u zhvillua procedura e shortit nga e cila rezultoi se, për procedurën e rikonfirmimit si inspektorë në zyrën e Inspektorit, të prokurores Lindita Ziguri si Relator u caktua z. Sokol Stojani.
10. Përsa i takon bazës ligjore për shqyrtimin e kërkesës së Inspektorit, në nenin 55, pikat 4 dhe 5, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, parashikohet se:

“4. Magjistrati mund të komandohet si inspektor në Zyrën e Inspektorit të Lartë të Drejtësisë për një periudhë pesëvjeçare. Pas mbarimit të periudhës pesëvjeçare, Inspektori ka të drejtën e rikomandimit, në rast se është vlerësuar të paktën “shumë mirë” në vlerësimin etik dhe profesional si inspektor.

5. Inspektori i Lartë i Drejtësisë, tre muaj përpara mbarimit të afatit të mandatit të parë të komandimit të një inspektori, mund t’i paraqesë Këshillit kërkesë me shkrim, përfshirë dokumentet e nevojshme, për konfirmimin e inspektorit si i komanduar në Zyrën e Inspektorit të Lartë të Drejtësisë. Këshilli konfirmon inspektorin nëse ai është vlerësuar të paktën “shumë mirë” në vlerësimin etik dhe profesional, si dhe nëse ka dhënë pëlqimin për konfirmimin. Kur kërkesa nuk është paraqitur në kohë, afati i pozicionit të komanduar si inspektor konsiderohet i mbaruar.”

11. Kërkesa e Inspektorit drejtuar Këshillit për konfirmimin e inspektores Lindita Ziguri si të komanduar pranë këtij institucioni edhe për një mandat tjetër 5-vjeçar është paraqitur brenda afatit ligjor të parashikuar në nenin 55, pika 5, të ligjit të mësipërm. Sipas këtij neni, Këshilli konfirmon inspektorin nëse ai është vlerësuar të paktën “shumë mirë” në vlerësimin etik dhe profesional, si dhe nëse ka dhënë pëlqimin për konfirmimin.
12. Bazuar në sa më sipër, Këshilli konstaton se, kërkesa e Inspektorit për konfirmimin e inspektorit Lindita Ziguri si të komanduar pranë këtij institucioni edhe për një mandat tjetër 5-vjeçar përmbush dy kriteret ligjore që parashikon dispozita e mësipërme, respektivisht, që inspektori të jetë vlerësuar të paktën “shumë mirë” në vlerësimin etik dhe profesional, si dhe të kenë dhënë pëlqimin për konfirmimin.
13. Prokurori Lindita Ziguri është emëruar prokuror me vendimin datë 12.11.1993, të Këshillit të Lartë të Drejtësisë, fillimisht në Prokurorinë e Rrethit Përmet. Më pas është larguar nga detyra e prokurorit me Vendimin nr. 7/1, datë 24.01.1998, të Këshillit të Lartë të Drejtësisë. Me Dekretin e Presidentit të Republikës nr. 3248, datë 01.02.2002, është emëruar prokuror në Prokurorinë e Rrethit Tiranë ku aktualisht ka edhe emërimin, si dhe ka vjetërsi në pozicionin e prokurorit rreth 28 vite.
14. Në përfundim, Komisioni i Zhvillimit të Karrierës, në zbatim të dispozitës së sipërpërmendur i propozoi Këshillit konfirmimin e inspektorit Lindita Ziguri si të komanduar në zyrën e Inspektorit, edhe për një mandat tjetër 5-vjeçar duke filluar nga data 08.02.2026.

PËR KËTO ARSYE:

Bazuar në nenet 149, pika 1 dhe 149/a, pika 1, germa “e”, të Kushtetutës, në nenin 55, pikat 4 dhe 5, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, në nenet 164, 166, 184, germa “d”, 189, pika 1, germa “a” dhe 211, pika 1, të Ligjit nr. 115/2016 “Për organet e qeverisjes së sistemit të drejtësisë” i ndryshuar, me propozim të Komisionit të Zhvillimit të Karrierës, Këshilli i Lartë i Prokurorisë,

V E N D O S I:

1. Konfirmimin e Inspektorit Lindita Ziguri, prokuror në Prokurorinë pranë Gjykatës së Shkallës së Parë Tiranë, si i komanduar në Zyrën e Inspektorit të Lartë të Drejtësisë.
2. Periudha e komandimit do të jetë 5 (pesë) vjet dhe fillon nga data 08.02.2026.
3. Të njoftohen për këtë vendim Inspektori i Lartë i Drejtësisë, Prokurori i Përgjithshëm, Prokuroria pranë Gjykatës së Shkallës së Parë të Juridiksionit të Përgjithshëm Tiranë dhe prokurori Lindita Ziguri.
4. Ky vendim hyn në fuqi menjëherë dhe publikohet ne faqen zyrtare të internetit të Këshillit.

U shpall në Tiranë, sot më 29.01.2026.

KËSHILLI I LARTË I PROKURORISË



KRYETAR
Mirela Bogdani

ZV/KRYETAR
Erind Germenji

ANËTAR
Ledina Riza

ANËTAR
Sokol Stojani

ANËTAR
Zeqir Hoda

ANËTAR
Moisi Duda

ANËTAR
Olger Eminaj

ANËTAR
Erion Fejzulla